



KP (BS) 8591/4/Jld.XVI (1)
3 Februari 2000

Semua Pengarah Pendidikan Negeri

Y.Bhg. Datuk/Dato'/Tuan,

SURAT PEKELILING IKHTISAS BIL. 1/2000:
Penggunaan Buku Kerja Di Sekolah Rendah

Penggunaan buku kerja di sekolah rendah telah menimbulkan berbagai reaksi dari guru-guru dan ibu bapa. Beberapa pekeliling Kementerian Pendidikan telah dikeluarkan untuk menjelaskan mengenai perkara ini. Dalam hal ini, Kementerian berpendapat bahawa buku kerja yang baik dan sesuai isi kandungannya sebagai bahan tambahan boleh digunakan oleh guru-guru untuk memperkayakan proses pengajaran dan pembelajaran di bilik darjah tanpa mengabaikan penggunaan buku teks. Perlu ditegaskan di sini bahawa buku teks adalah merupakan bahan utama yang wajib digunakan dalam proses pengajaran dan pembelajaran dan buku kerja hanyalah sebagai bahan tambahan.

2. Pekeliling ini dikeluarkan sebagai garis panduan mengenai penggunaan buku kerja sekolah rendah untuk dipatuhi oleh semua Guru Besar dan guru. Garis panduan tersebut adalah seperti berikut:

(A) PENGGUNAAN

- i) Murid-Murid Tahap I tidak dibenarkan menggunakan buku kerja kerana Buku Latihan Aktiviti (BLA) telah disediakan oleh Bahagian Buku Teks, Kementerian Pendidikan.
- ii) Bagi murid-murid Tahap 2, hanya satu judul buku kerja sahaja dibenarkan untuk setiap pelajar bagi tiap-tiap satu mata pelajaran KBSR seperti dalam jadual berikut:

JENIS SEKOLAH	MATA PELAJARAN				
SK	Bahasa Melayu	Bahasa Inggeris	Matematik	Sains	
SJK(C)	Bahasa Melayu	Bahasa Inggeris	Matematik	Sains	Bahasa Cina
SJK(T)	Bahasa Melayu	Bahasa Inggeris	Matematik	Sains	Bahasa Tamil

- iii) Guru-guru tidak boleh menggunakan sepenuhnya buku kerja semasa waktu mengajar dalam kelas di sekolah.
- iv) Buku kerja digunakan hanya sebagai sumber latihan setelah guru-guru mengajar konsep dan kemahiran kepada murid. Untuk itu, guru-guru tidak digalakkan menggunakan buku kerja pada awal tahun persekolahan.
- v) Murid-murid boleh menggunakan buku kerja sebagai bahan rujukan, kerja rumah dan sebagai bahan ulangkaji.

(B) PEMILIHAN

Bagi murid-murid di Tahap 2,

- i) Pemilihan buku-buku kerja hendaklah dilakukan oleh panitia mata pelajaran KBSR sekolah masing-masing berdasarkan kepada keperluan pelajar dan kesesuaian isi kandungan, mutu dan harga.
- ii) Hanya satu judul buku kerja dibenarkan dipilih untuk tiap-tiap satu mata pelajaran seperti di para 2(A) ii di atas.
- iii) Isi kandungan buku kerja yang dipilih hendaklah bersesuaian dan menepati kemahiran yang disarankan dalam Buku Panduan Khas KBSR dan sesuai dengan peringkat kebolehan murid. Laporan pemilihan yang terperinci hendaklah disediakan bagi setiap buku kerja yang dipilih berdasarkan kriteria sekolah masing-masing mengenai isi kandungan, mutu dan harga.
- iv) Harga buku kerja yang dipilih hendaklah berpatutan dan tidak membebankan ibu bapa.
- v) Persatuan Ibu Bapa dan Guru (PIBG) hendaklah dimaklumkan mengenai buku-buku kerja yang dipilih.

(C) PENJUALAN


- i) Penerbit tidak dibenarkan membuat promosi jualan kepada murid-murid dan guru-guru di sekolah.
- ii) Buku kerja tidak dijual pada awal tahun persekolahan untuk mengurangkan beban kewangan ibu bapa,
- iii) Murid-murid tidak wajib membeli buku kerja yang dipilih oleh pihak sekolah dan ibu bapa boleh memilih untuk membeli atau tidak buku kerja yang dicadangkan. Setiap judul buku kerja yang dipilih hendaklah disenaraikan dalam kategori 'pilihan' dalam senarai tajuk buku dan peralatan yang dicadangkan untuk dibeli oleh murid.

3. Kandungan Pekeliling ini hendaklah dilaksanakan sepenuhnya mulai Januari 2001. Dengan penguatkuasaan pekelling ini, maka semua pekelling Kementerian sebelum ini yang berkaitan dengan buku kerja adalah dibatalkan.

4. Kerjasama Y.Bhg. Datuk/Dato'/Tuan adalah diminta untuk memaklumkan kandungan pekelling ini kepada semua Guru Besar di negeri masing-masing.

Sekian, terima kasih,

"BERKHIDMAT UNTUK NEGARA"



DATUK DR. ABDUL SHUKOR ABDULLAH
Ketua Pengarah Pendidikan Malaysia

- s.k.
1. Y.B. Tan Sri Dato' Musa Bin Mohamad
Menteri Pendidikan Malaysia
 2. Y.B. Dato' Abdul Aziz Bin Shamsuddin
Timbalan Menteri Pendidikan
 3. Y.B. Dato' Hon Choon Kim
Timbalan Menteri Pendidikan
 4. Y.B. Dato' Mahadzir Bin Mohd Khir
Setiausaha Parlimen Kementerian Pendidikan
 5. Ketua Setiausaha Kementerian Pendidikan
 6. Timbalan-Timbalan Ketua Setiausaha Kementerian Pendidikan
 7. Timbalan-Timbalan Ketua Pengarah Pendidikan
 8. Ketua-Ketua Bahagian Kementerian Pendidikan
 9. Ketua Nazir Sekolah
 10. Semua Pengarah Jabatan Agama Islam Negeri
 11. Pegawai Perhubungan Awam